

# *ISHINDANIE ILE IMANI KWA BIDII*

¶ . . . Na kuwezekana kupitia kwa kifo cha Bwana wetu Yesu Kristo na kuja tena kwa Roho Mtakatifu, ili kutia ndani ya moyo yetu ile imani. Nasi tunaomba ya kwamba utatupatia baraka Zako usiku huu.

<sup>2</sup> Jalia . . . walio nje ya Kristo waingie usiku wa leo; na walio wagonjwa waponywe; walioshuka wainuliwe; wale wenye huzuni wafanywe upya na wachangamfu tena. Tujalie, Baba.

<sup>3</sup> Sasa, jalia Roho Mtakatifu aje, achukue mambo ya Mungu, Neno, na kuliweka katika kila moyo sawasawa na mahitaji yao. Hatujui mahitaji ni yapi usiku wa leo, Wewe unajua. Nasi tunakuomba kwa imani, tukiamini ya kwamba utatupatia yote tunayohitaji, kwa maana tunayakabidhi Kwako katika Jina la Mwanao, Bwana Yesu. Amina.

Mwaweza kuketi.

<sup>4</sup> Baba yetu wa Mbinguni na ambariki kila mmoja wetu kwa wingi. (Hizi ni zako?) [Ndugu Boze anazungumza na Ndugu Branham—Mh.] Kuja . . . kufungwa kwa mkutano, tuna siku chache usiku zilizosalia . . . Msiniache nisahau kuwaombea hao kabla ya—kabla ya . . . leso hizi . . . sio—sio sasa hivi. Ninamaanisha tu kwenye . . . [Ndugu Boze anazungumza na Ndugu Branham. Sehemu tupu kwenye kanda.]

<sup>5</sup> Usiku hauingii giza kupita kiasi, mvua hainyeshi kupita kiasi, mnaona. Nitaenda kukuombea wakati wowote, nifanye niwezavyo.

<sup>6</sup> Mungu awabariki watu hawa waliotupatia ukumbi huu wa shule. Shule hii na isimame kama kumbukumbu, kwa sababu ya ukarimu wake na wema wake kwa Injili ya Bwana Yesu Kristo, kuifungua milango yao. Nilikutana na mhandisi na watu kadhaa hapa, na kundi zuri la watu, kweli. Ninawathamini. Mungu awabariki.

<sup>7</sup> Na sasa, iweni katika maombi. Usiku wa leo ni usiku wa kufunga ibada; na, niombeeni, sivyo, ninapotoka kwenda hudumani? Tunatambua kwamba huu unaweza kuwa ndio wakati wa mwisho wa kukutana, kwa kuwa wengi wetu huenda tusikutane hivi tena. Sisi sote, umati uu huu ulio hapa, huenda tusikutane kwa njia hii tena upande huu wa Mbingu. Hiyo ni kweli.

<sup>8</sup> Wazee wengi hapa, wala sijui ni lini nitakaporudi. Ajali, nanyi mnajua kinachotokea, huenda nisiweze kurudi, au huenda kamwe usiweze kurudi.

<sup>9</sup> Lakini mimi . . . Pamoja na ushuhuda wangu wa mwisho kwenu kama hakuna, kama ikitokea hivyo: Yesu Kristo

kweli ni Mwana wa Mungu aliyefufuka katika wafu. Na kile ninachozungumzia juu Yake ninaamini kwa moyo wangu wote. Na ninawapenda kwa upendo udumuo na motomoto wa Kikristo. Mungu awe nanyi.

<sup>10</sup> Sasa, kwa maskini mchungaji wetu hapa, Ndugu Yoseph, vema, si lazima nielezee hilo, mnajua ninachowazia juu yake. Na kwa wengine wenu ndugu wapendwa, wachungaji, na—na walei wa makanisa mengine wanaoketi kwenye ukumbi huu hapa usiku wa leo... nami nafikiri huu ni ukumbi wa okestra? Na inaonekana kama ni ukumbi wa wasanii wa kurekodi. Hakika kuna wengi wao.

<sup>11</sup> Nami ninaona wengine ambao ninaamini ninawajua. Ninawajua hawa ndugu hapa pembedni, marafiki zangu, Leo na Gene, na Ndugu Arment, na Ndugu Beeler hapa chini, na yule ndugu mwingine mmishenari, naamini, kutoka Palestina.

<sup>12</sup> Sasa, sina uhakika, yule ndiye dada aliyeponywa... mlevi sugu aliyekuwa...? Mungu akubariki, dada. Hakika nakushukuru kwa moyo wangu wote. Na maskini yule mama aliyeponywa, mlevi sugu anayemtumikia Bwana Yesu, nami ninashukuru sana kwa ajili yake na kwa wema wake kwa Injili.

<sup>13</sup> Mungu awabariki kila mmoja. Sasa, naam, na ndugu, hapa; huyu hapa jamaa mdogo ameketi hapa, nafikiri, yeze na mke wake wanaendesha gari kutoka Hammond, Indiana, kila Jumapili hadi kwenye maskani yangu, kama maili mia mbili na themanini kufika mkutanoni wanapokuwa kule; huja pamoja na kundi kubwa. Hata sijui jina la huyo ndugu, lakini yeze ni jamaa mzuri hata hivyo. Mungu anamjua.

<sup>14</sup> Kama sijakosea, maskini mama huyu aliyeketi papa hapa, amevaa sweta nyekundu ama kitu fulani, ninaamini wakati mmoja aliponywa katika mojawapo ya mikutano yangu, sina hakika, lakini na—nafikiri aliponywa uvimbe wakati mmoja ama kitu fulani.

<sup>15</sup> [Ndugu Boze anazungumza na Ndugu Branham—Mh.] Ni nani huyo? Yuko wapi? Mbona, nakutakia heri, Ndugu John, sikukuona. Ulikuwa umeketi nyuma kando kutoka kwangu ndipo Ndugu Joseph akaja na kusema, “Naam.”

<sup>16</sup> Umekuwa wapi wakati wa mkutano? [Ndugu John anazungumza na Ndugu Branham—Mh.] Naam. Mungu akubariki, ndugu. Naam. Nilikuwa nikizungumza. Amani ya Mungu ikae pamoja nawe, ndugu yangu mpendwa. Maskini ndugu huyu mpendwa hapa... [Sehemu tupu kwenye kanda.]

<sup>17</sup> Nisikilizeni kwa makini sasa kwa ajili ya kusomwa kwa Neno.

Katika Kitabu cha Yuda tunapata vifungu hivi, kwenye kifungu cha 3 cha Kitabu cha Yuda.

*Wapenzi... Nilipofanya bidii sana kuwaandikia habari ya wokovu amba ni wetu sisi sote, nalionna imenilazimu kuwaandikia, ili niwaonye kwamba mwishindanie kwa bidii imani waliyokabidhiwa watakatifu mara moja tu.*

Bwana na aongeze baraka Zake kwenye kusomwa kwa Neno Lake.

<sup>18</sup> Sasa, ninaamini ya kwamba Kitabu hiki kiliandikwa katika mwaka wa 66 A.D. Na ilikuwa ni miaka thelathini na mitatu, basi, baada ya Pentekoste. Naye Yuda akizungumza na kanisa basi alikuwa akiwaonya kwamba “wanapaswa kuishindania kwa bidii imani waliyokabidhiwa watakatifu mara moja tu.”

<sup>19</sup> Je, ungeweza kamwe kuwazia ya kwamba—ya kwamba lile Kanisa kuu la Roho Mtakatifu, lilitokuwa limezinduliwa, na kuzamishwa ndani ya Kristo na Roho Mtakatifu, lingeweza kuchanganyikiwa sana kwa muda mfupi hivi hata nabii hapa, alikuwa akiwaambia “mwishindanie kwa bidii imani waliyokabidhiwa watakatifu mara moja tu”?

<sup>20</sup> Sasa, hatutachukua muda mwingi. Sina budi kuangalia hapa, kwa sababu tuna ibada kubwa inayokuja. Kuwaombea watu wengi usiku wa leo kadiri niwezavyo kupitia mstarini. Nami naomba kusimama huku kwa imani, maombi.

<sup>21</sup> Sasa, na—nabii hapa anasema tuishindane ile imani kwa bidii, si imani *yoyote*, bali ile imani waliyokabidhiwa watakatifu mara moja tu.

<sup>22</sup> Sasa, watu wengi wanasema, “Vema, ningeshuka kwenye mkutano ule, lakini ni kinyume na imani yangu.” Kuna imani moja tu: imani moja, tumaini moja, Bwana mmoja, ubatizo mmoja. Mnaamini hilo? Imani moja, na imani hiyo iko katika Bwana Yesu Kristo.

Na sasa, watu wengine wanasema, “Vema, mimi ni Mmethodisti. Hiyo ni kinyume na imani yangu.”

<sup>23</sup> “Mimi ni Mkatoliki, na hiyo ni kinyume na imani yangu.” Kuna imani moja tu. Huenda ikawa ni madhehebu mbalimbali ya makanisa kuwalilisha imani hiyo, lakini kuna imani moja tu.

<sup>24</sup> Sasa, Yuda alisema kwamba sisi, akizungumza hapa kimsingi bila shaka kwa ka—kanisa katika siku hiyo, lakini, tunapaswa kuishindania kwa bidii imani waliyokabidhiwa watakatifu mara moja tu.

<sup>25</sup> Sasa, lisingeweza kutumika kwa Agano la Kale. Ilibidi iwe kwa Agano Jipy, kwa sababu Agano la Kale lilitkuwa ni torati, na upande huu ni neema. Na—nalo lilisema, “Torati na manabii,” Luka 16:16, “torati na manabii vilikuwapo mpaka Yohana: tangu wakati huo Ufalme wa Mbinguni unahubiriwa.” Kwa hiyo ilibidi iwe ni upande huu, ilibidi iwe upande huu wenye utakaso, maana watakatifu, kanisa

linaitwa watakatifu baada... Neno *mtakatifu* maana yake ni “aliyetakaswa.” Kwa maneno mengine, ni lazima tuishindane kwa bidii imani waliyokabidhiwa waliotakaswa mara moja tu. *Utakaso* maana yake ni “kuitwa utoke, kutengwa, kusafishwa, mnaona, kusafishwa na kutengwa kwa ajili ya huduma.”

<sup>26</sup> Sasa, ile imani waliyokadhiwa watu hao mara moja tu, hiyo ndiyo imani tunayopaswa kuishindania. Mnajua maana ya *kushindania*? Ni “kujadili, au kushikilia,” shindania, kuishindania kwa bidii imani hiyo.

Sasa, kama ningesema, “Ndugu Wamethodisti, je, mnayo?”

“Naam, tunayo imani hiyo.”

“Nanyi ndugu Wabaptisti?”

“Naam.”

Naye Mkatoliki anasema, “Naam.”

Mpentekoste anasema, “Naam.”

Kila mtu angesema, “Naam, kanisa langu linaishindania imani hiyo.”

<sup>27</sup> Vema, nina furaha kusikia hivyo. Ningekuwa na furaha sana kujua kwamba hiyo ni kweli.

Sasa, njia pekee, vema, tungenesema, “Ni nini kinachokufanya tofauti na mwingine basi?”

“Vema basi, tunaamini kuwa ilikuwa *hivi*.”

<sup>28</sup> Sasa, hebu turudi nyuma katika sehemu ya mwanzoni ya Maandiko, ile huduma ya kwanza, na katika siku za watakatifu, tuone walikuwa na imani ya aina gani, halafu basi tushindanie kile walichokuwa nacho. Hiyo ndiyo njia ya pekee ya kuwa na uhakika. Je, hiyo ni kweli?

<sup>29</sup> Sasa, wa kwanza kuitambulisha imani ambayo Biblia inatutaka tuishindanie alikuwa ni Bwana Yesu Kristo Mwenyewe. Yohana alikuwa mtangulizi wa kunena juu ya kuja kwake, bali Kristo alikuwa Ndiye. Kristo Mwenyewe, Yeye Ndiye aliyeleta hiyo imani, kwa sababu Kristo duniani alikuwa wakilisho la Mungu kwa watu katika mpango mpya.

<sup>30</sup> Angalieni, Mungu alimtuma Kristo baada ya siku za torati; akamfanya mwanamke chini ya torati ili aweze kuwakomboa wale waliokuwa chini ya torati. Kristo alifanywa kwa mwili wa mwanadamu, akiwa ni Mungu Mwenyewe, Imanueli, aliwekeza, Mungu katika Kristo akiupatanisha ulimwengu kwa nafsi Yake.

<sup>31</sup> Basi alipokuwa hapa duniani, hakufuata mawazo Yake Mwenyewe, mapenzi Yake Mwenyewe, bali alitoa mapenzi Yake Mwenyewe na mawazo Yake Mwenyewe ili kufuata nia na mapenzi ya Baba Yake. “Sikuja kufanya mapenzi Yangu, bali mapenzi Yake aliyenituma.” Mnaiona?

<sup>32</sup> Sasa, Kristo alikuja kufanya mapenzi ya Baba. Basi kama tunaweza kuona kile Kristo alichofanya, na ni aina gani ya imani aliywapa watu, ama kuwahubiria watu, basi hiyo inapaswa kuwa ndiyo imani tunayoishindania.

<sup>33</sup> Sasa, Kristo alipokuwa hapa duniani tunashangaa, Yeye alizaliwa tu Mtoto mvulana wa kawaida, aliyezaliwa horini. Hakuja ulimwenguni na mambo mengi sana makubwa ya—ya kufanya. Yeye alikuwa tu wa wazazi wanyenyeketu aliyezaliwa horini, akakuzwa, akaenda, na kulelewa pamoja na watu Wake.

<sup>34</sup> Ndipo kwenye umri wa miaka thelathini alitoka akaenda nyikani, na huko akakutana na Yohana, akabatizwa na Yohana katika Yordani, akitii, au, kutimiza . . . Yohana alipomwona akija alisema, “Mimi nahitaji kubatizwa na Wewe, basi kwa nini Wewe waja kwangu?”

<sup>35</sup> Akasema, “Kubali iwe hivyo, lakini ndivyo itupasavyo sisi kutimiza haki yote.” Ndipo basi akabatizwa na Yohana, akatoka mara moja majini, na tazama, Mbingu zikamfungukia.

<sup>36</sup> Naye Yohana akashuhudia, akimwona Roho wa Mungu kama hua akishuka kutoka Mbinguni na kutua juu Yake. Yohana aliendelea kusema, “Mimi sikumjua, ila Yeye aliyeniambia kule nyikani niende nibatize, alisema, ‘Ambaye utamwona Roho akishuka na kukaa juu Yake, Huyo ndiye atakayebatiza kwa Roho Mtakatifu na kwa Moto.’”

<sup>37</sup> Yohana alikuwa na ishara ya kwamba huyo alikuwa ni Masihi. Alipomwona akija alijua ya kwamba alikuwa ni Masihi. Sasa, Yeye hakuwa amevalia tofauti na mtu mwingine yeyote. Yesu alikuwa Mtu wa kawaida tu. Biblia ilisema, “Hakukuwa na uzuri hata tumtamani.” Hakukuwa ninii sana, mtu mkubwa sana wa futi saba. Hana uzuri hata tumtamani.

<sup>38</sup> Nadhani hakuwa na elimu nyingi ya ulimwengu huu, kwa maana hatuna taarifa ya Yeye kwenda shulenii kamwe, hakuna kumbukumbu katika Maandiko, wala historia kwamba Yeye alipata kwenda shulenii. Lakini Yeye alikuwa na elimu, bila shaka. Lakini alikoipata, hatujui. Na sasa, tunaye Paulo—rekodi ya Paulo ya mahali alipoenda shule, na wengine, lakini hatuna taarifa yoyote ambako Yesu alienda shulenii.

<sup>39</sup> Yeye alikuwa ni Mtu wa kawaida tu, alizungumza lugha ya kawaida, lugha kama unayotumia mitaani ambapo kila mtu, watu wa kawaida wangesikia.

<sup>40</sup> Na kwa hiyo basi, hapakuwa na kitu chochote cha ajabu kuhusu sura Yake na kadhalika ambacho ungeweza kumfanya kile alichokuwa. Alichokuwa, hakikutokana na sura ya nje, kwa maana Yeye alikuwa ni Mtu kwa nje, bali kwa ndani Yeye alikuwa ni Mungu, Imanueli. Baba Mungu alikuwa ndani Yake, akiupatanisha ulimwengu kwa nafsi Yake. Kwa hiyo hapo akaileta imani ya Kikristo.

<sup>41</sup> Sasa, tutamwona. Ni kitu gani kilichomfanya tofauti? Kama Msemaji nadhani hakuwa mwenye nguvu sana na wa kwenda mtaani na kama tufanyavyo, na kupaza sauti, kwa sababu Biblia ilisema, “Sauti yake haikusikika mtaani. Na mwanzi uliopondeka na utambi unaofuka moshi,” na kadhalika kama nabii alivyosema atakuwa.

<sup>42</sup> Kwa hiyo Yeye alikuwa tu kitu kuhusu mazungumzo Yake ambacho kilishika mioyo ya watu, hata hivyo. Haikum lazimu kutumia nguvu sana juu yake katika maonyesho ya nje, lakini kulikuwa na kitu fulani katika mazungumzo Yake ambacho kiliivutia sana mioyo ya watu.

<sup>43</sup> Jinsi mara nyingi nimependa kuwasikia wahudumu mashuhuri wakizungumza, na jinsi ninavyopenda kuwasikia. Lakini mara nyingi nimeshangaa jinsi ningejisikia kusimama pale siku ile Yesu aliponyoosha mikono Yake na kusema, “Njoni Kwangu, ninyi nyote msumbukao, na wenyewe kulemewa na mizigo, nitawapumzisha.” Loo, ningelipenda kusikia hayo.

<sup>44</sup> Ningetamani kumsikia alipokuwa ameketi juu ya mwamba, labda, juu ya—juu ya mlima pale ambapo alitoa mahubiri Yake mlimani, na kumsikiliza. Kasema, “Heri wenyewe moyo safi; watamwona Mungu. Heri ninyi watu watakapowaudhi, na kuwadhihaki ninyi kwa kila namna, kwa uongo kwa ajili ya Jina Langu. Furahini na kushangilia kwa maana thawabu yenu ni kubwa Mbinguni, kwa maana ndivyo walivyowaudhi manabii waliokuwa mbele yenu.” Unaona?

<sup>45</sup> Loo, ningalipenda kumsikia akihubiri hayo. Lakini kama nilivyosema mara nyingi, “Labda kamwe singeweza kusikia hayo, bali nina matumaini ya kusikia haya: ‘Umetenda vema, mtumishi Wangi mwema na mwaminifu.’ Laiti ningaliweza kusikia tu kwamba hamna lingine, hilo—hilo litaniridhisha barabara.”

<sup>46</sup> Angalieni, wakati alipokuwa hapa duniani, Petro alisema, katika Matendo mlango wa pili, baada ya kupokea ubatizo wa Roho Mtakatifu, alisema, “Enyi watu wa Israeli, huyu Yesu wa Nazareti, Mtu aliyethibitishwa na Mungu kati yenu...” Kwa kitu gani? Kwa theolojia Yake? Hapana. Kwa hadhi Yake kuu kanisani? Hapana. Kwa digrii Yake? Hapana. Au kwa usemi Wake bora? Hapana. “Enyi watu wa Israeli, Yesu wa Nazareti, mtu aliyethibitishwa na Mungu kati yenu kwa ishara na maajabu ambayo Mungu alifanya kwa Yeye katikati yenu nyote ambao, nyote, ni mashahidi...” Jamani, hiyo ilikuwa moja kwa moja kutoka kwa bega, sivyo? Akasema, “Ninyi kwa mikono ya waovu mmemsulubisha Bwana wa Uzima, lakini Mungu amefufua tena.” Amina. Nalipenda hilo.

<sup>47</sup> Kasema, “Mlimsulubisha, lakini haiwezekani kwamba ashikiliwe na mauti. Kwa hiyo mauti ililazimika kumwachilia, Naye amefufuka katika wafu. Nasi ni mashahidi Wake.”

Amina. "Ndiyo maana mambo haya yanafanyika, kwa mfano, yule mtu dhaifu kuponywa langoni." Kasema, "Kwa imani katika Jina la Yesu Kristo mtu huyu ameponywa," Mnaona? "Mfalme wa Uzima ambaye mlimsulubisha." Kasema, "Mungu alimthibitisha." Hakuwa na... Hakuwa mtu mashuhuri mwenye sura ya kifalme. Hakuwa hata mojawapo ya mambo haya ambayo ulimwengu huyaangalia. "Lakini Mungu alikuwa pamoja Naye, kwa maana alithibitisha ya kwamba alikuwa pamoja Naye mbele zenu nyote, kwa ishara na maajabu aliyoyafanya katikati yenu nyote."

<sup>48</sup> Hivyo ndivyo mitume walivyowazia kuhusu imani ya Kikristo. Ufalme mkuu wa kikanisa ulifanya nini, Mafarisayo na Masadukayo, mahakama kuu za Baraza la Wazee, jumla ya takriban watu milioni mbili? Walituma mwakilishi kule usiku mmoja, Nikodemo. Alikuja usiku.

<sup>49</sup> Baadhi yenu mnacheka kwa kuja usiku; hatimaye aliwasili. Nawe je? Je, umefanya kadri ya Nikodemo? Hatimaye aliwasili huko. Alifika kwa Yesu.

<sup>50</sup> Vema. Ndipo alipokuja, mwangalie sasa: mwanachuoni, mwanachuoni akimjia Mtu asiyе na diploma. Ilikuwa ni kabaila akimjia Fukara apate maarifa. Huyu hapa alikuwa ni mtu wa digrii kubwa akija kwa Mtu ambaye hakuwa na digrii yoyote. Ilikuwa ni mzee mwenye hekima na mwalimu akimjia Jamaa mdogo kujifunza mambo ya Uzima wa milele. Mnaona tofauti yake?

<sup>51</sup> Sasa, alikuja kupidia vichochoro usiku, akikwea, kwa sababu ya kanisa lake na kadhalika. Lakini Nikodemo (Msikilizeni.), alinena kwa niaba ya kanisa, lile Baraza la Wazee, kwa niaba ya hekalu, kwa niaba ya Mafarisayo, na Masadukayo, na Baraza la Wazee na kadhalika. Akasema, "Twajua, Rabi, au Mwalimu, twajua ya kuwa Wewe ni Mwalimu uliyetoka kwa Mungu." "Sisi," sisi ni akina nani? "Sisi Wayahudi, sisi wa-wa nyuani, sisi wa masinagogi ambao tumekutesa, tukikudhihaki na kukucheka, lakini twajua Wewe ni Mwalimu umetoka kwa Mungu." Kwa nini?

"Kwa sababu Wewe ni Mtu mwenye ushawishi, na usemi mkuu, sauti ya kupendeza?"

"La."

"Mnajuaje basi?"

<sup>52</sup> "Tunajua kwamba Wewe ni Mwalimu uliyetoka kwa Mungu, kwa maana hakuna mtu awezaye kufanya mambo ufanyakayo Wewe, miujiza ufanyakayo, isipokuwa Mungu yu pamoja Naye." Walijua kwamba huyo alikuwa Ndiye, lakini kwa chuki isiyo na msingi, ubin afsi, hawako tayari kujinyima upate kukana mazingira yako mwenyewe na kumkubali Yeye. Hata hivyo walitambua kwamba ilikuwa ni ya Mungu.

<sup>53</sup> Jiji hili, huku wakisoma magazeti, wakija mkutanoni, hawana udhuru. Wanajua ya kwamba Mungu yuko hapa chini akitenda na kufanya miujiza. Watu wanaoucheka uponyaji wa Kiungu, wanalicheka Kanisa la Mungu aliye hai, kwa kusema kwamba wana akili finyu; hawana udhuru. Wanajua ndani ya miyo yao kwamba hiyo ni kweli. Wanahofu tu kukubali, wanahofu watapoteza baadhi ya heshima zao za kijamii. Afadhali nipoteze heshima zangu zote za kijamii na kupata Mbingu, sivyo? Kusema kweli, sikuwa na heshima za kijamii za kupoteza.

<sup>54</sup> Lakini Kristo aliniingiza ndani, na sasa mimi–mimi ni mwana. Angalia alichokuwa kwa ajili yetu. Yeye katika utajiri Wake akawa maskini, ili katika umaskini Wake sisi tupate kuwa matajiri. Katika kutokupatikana Kwake na mauti alifanyika mwili ili apate kuchukua magonjwa yetu, ili katika ugonjwa Wake tupate kuwa na afya. Katika dhambi zangu zote akawa... Hakuwa na dhambi, naye alichukua dhambi yangu, ili nisiwe na dhambi. Akawa mimi ili nipate kuwa Yeye.

<sup>55</sup> Mbinguni anasimama kama Mwakilishi wangu na wako. Basi Mungu hatutazami sisi; anamtazama Mwakilishi wetu. Loo, hilo si ni ajabu? Kristo akisimama badala yetu, akituwakilisha mbele za Baba.

<sup>56</sup> Umewahi kuwa kwenye kesi mahakamani? Mwakilishi, Yeye anasimama kama Wakili wetu, akisimama kutetea. Ni nani anayejua kufanya vyema zaidi kuliko Yeye, wakati Yeye ni Mwana hasa wa Baba, akisimama Mbele za Mungu kutetea kesi yetu wenye dhambi, na iwapo tutakiri.

<sup>57</sup> Akiwa tajiri, hata hivyo, akawa maskini, ili kwa umaskini Wake tupate kuwa matajiri. Tajiri wa nini? Pesa? Hapana. Tajiri wa baraka za Mbinguni, mambo ya kiroho; sisi, ambao hapo awali tulikuwa maskini sasa tunakuwa matajiri kupidia umaskini Wake.

<sup>58</sup> Mtazame. Alijivua nguo, akajidhili, akashuka, yule Mkuu wa Kiungu aliyetoka Juu. Ai-...Katika aibu alishuka na kujishusha chini, akajinyenyeka katika mwili wa nyama, apate kutembea mionganoni mwa wanadamu, kusikia laana na viapo vya wanadamu, kuhisi uchungu wa magonjwa na wa mauti juu ya nafsi Yake ili kupidia hayo yote, si kwa sababu ilimbidi, bali kwa sababu upendo ulimsukuma kwa hayo. Kwamba alikuwa amefanya yote hayo na alikuwa mgonjwa na alikuwa na matatizo.

<sup>59</sup> Unasema, “Ati alikuwa mgonjwa?” Hakika. Si alitoa kitu chake Mwenyewe, tamshi Lake Mwe—Mwenyewe, na kusema, “Si wataniambia, ‘Tabibu, jiponye?’” Hakika, aliyachukua magonjwa yetu, huzuni yetu, dhambi yetu, huzuni yetu. Mnaona kile Yeye alichokuwa?

<sup>60</sup> Sasa, huyo Ndiye mitume walinenet habari zake; huyo Ndiye Nikodemo alinena habari zake. Hebu tuone Yeye alikuwa nini. Je, alifanya Mwakilishi wa aina gani wa imani ya Kikristo?

<sup>61</sup> Alipokuwa hapa duniani, Yeye hakujitwalia Mwenyewe jina. Biblia ilisema kwamba hakujitwalia. Hakujifanyia Mwenyewe sifa yoyote. Mara nydingi nimewazia hivi: mtu aliyetengeneza kichala bandia cha meno, alijifanyia sifa kwake. Lakini Mtu aliyemba meno halisi hakujifanyia Mwenyewe sifa yoyote. Mtu aliyetengeneza mguu wa bandia alijipatia sifa, lakini Mtu Yule aliyemba mguu halisi hakujipatia Mwenyewe sifa. Mnaona?

<sup>62</sup> Alijivua nguo tu Mwenyewe akashuka apate kuniokoa mimi na wewe, kuniponya mimi na wewe. Tabibu mkuu, Mungu wa Mbinguni, Yule asiyepatikana na mauti, alijivika Mwenyewe mwili apate kuingiza maradhi katika mwili Wake Mwenyewe kutuondolea magonjwa yetu. Hajjulikani kamwe. Maneno hayawezi kuelezea kwamba hicho ni nini hasa, kile Mungu alichotufanyia katika Kristo Yesu.

<sup>63</sup> Alipokuwa hapa duniani hakujisifu Mwenyewe. Alikuja bila kujuua chochote ila mapenzi ya Baba yalivyokuwa yafanye. Aliahidiwa mambo makubwa. Hata Shetani alimwambia, “Nitakupa kila ufalme wa ulimwengu, na kukufanya bwana juu yazo, ikiwa utaanguka na kunisujudia.”

Akasema, “Nenda zako, Shetani. Imeandikwa kwamba umsujudie Bwana Mungu wako na umtumikie Yeye peke yake.” Bila shaka.

<sup>64</sup> Angeweza kuwa na falme zote za ulimwengu. Atakuwa nazo kwa vyovytote vile. Atazirithi. Yeye ni mrithi wa vitu vyote. Nasi ni warithi pamoja Nay, na warithi pamoja katika Ufalme.

<sup>65</sup> “Heri wenyewe moyo safi: maana hao watamwona Mungu. Heri wenyewe upole: maana hao wataairithi nchi.” Hayo ni mahubiri Yake, yale aliyotupa, ahadi Zake. Huyo alikuwa Ndiye.

<sup>66</sup> Sasa, mwangalieni. Wakati Yeye, hapa duniani, tunaona baadhi ya kazi Yake. Hebu tuone alichomaanisha katika imani ya Kikristo sasa. Huyu hapa. Mkondo wa Ukristo wote, Kichwa, Mwanzo, Asili ya imani ya Kikristo ilikuwa Yesu Kristo, Mwana wa Mungu, mwanzo wa imani ya Kikristo, chanzo cha jamii yote ya binadamu wa nyakati zote kutazamia chanzo hicho na kuanzia hapo. Alikuwa ni Kielelezo kwetu. Je, hiyo ni kweli?

<sup>67</sup> Wakati, mlango wa 13, Yohana Mtakatifu, wakati kutawadha miguu kulipoidhinishwa, Naye akasema... Mwangalie Petro, amejikakamaa, huyu Petro—Petro alijikakamaa, amelindwa, mgumu, amesimama pale kama ukosi mgumu. Ndipo Yeye akajongea kuitawadha miguu ya Petro. Akasema, “Kamwe hutaitawadha miguu yangu.” Loo, jamani. Tunao wengi wa hao siku hizi.

“Kamwe hutaitawadha miguu yangu.”

Yesu akamtazama, akasema, “Vema, nisipokutawadha, huna shirika Nami.”

Petro akasema, “Basi Bwana si miguu yangu tu, bali na mikono yangu na kichwa changu.” Kidogo ilimdhalilisha, sivyo?

<sup>68</sup> Loo, ningewazia maneno hayo ya fadhili, akimtazama Petro huku na huku na kusema, “Sasa, sasa... Ikiwa mimi—ikiwa siwezi kukutawadha, huna shirika pamoja Nami, kama huwezi kuifuata amri Yangu, ikiwa huwezi kufanya mapenzi ya Baba; Petro, nakupenda, lakini huna budi kufanya mambo haya.” Hiyo ni sehemu ya imani ya Kikristo.

<sup>69</sup> Ndipo alipokwisha kuitawadha miguu ya wanafunzi, aliketi, akasema, “Sasa, mwaniita Bwana na Mwalimu: nanyi mwanena, vema; maana ndivyo nilivyuo. Ikiwa Mimi basi, niliye Bwana na Mwalimu, nimewatawadha miguu; imewapasa vivyo hivyo kutawadhana miguu ninyi kwa ninyi. Kwa kuwa...” Sikelizeni. “Kwa kuwa nimewapa kielelezo, ili mtendeane kama nilivyowatendea ninyi.” Alikuwa ni Kielelezo cha Ukristo. Alikuwa Ukristo. Alikuwa Kiolezo chetu.

<sup>70</sup> Usijaribu kamwe kufananisha maisha yako na ya mhubiri fulani, na ya kuhanji fulani, ya mtu fulani mkuu wa kidini hapa duniani, lakini yafananishe maisha yako na ya Kristo. Yeye ndiye Kielelezo chako. Aliweka kielelezo. Aliishi kama kielelezo na kukiwasilisha kwa Kanisa. Loo, natumai hilo linaingia ndani sana.

<sup>71</sup> Ni kwa nini watu hawataki kuisikia Injili? Mnaona? Angalieni, liingie ndani kabisa.

<sup>72</sup> Alisema Yeye alikuwa ni Kielelezo. Sasa, tunamwona; angalieni kielelezo alichoweka. Alitoka nje akisema, “Sina chochote ninachoweza kufanya kwa nafsi Yangu.” Ndipo mmoja akamjia, kidogo hajali, akatazama huku na huku juu ya kusanyiko, huku Yesu amesimama pale akimtazama kote; akasema, “Wewe ni Mwisraeli ambaye hamna hila ndani yake.”

<sup>73</sup> Wakati Filipo alipoenda akamkuta Nathanaeli, huko nje chini ya mti ule akiomba, alimrudisha, akasema, “Njoo huku. Ninataka kukuonyesha Yule tuliyempata: Yesu wa Nazareti, Mwana wa Yusufu.”

Ndipo mtu huyu mwenye kujikakamiza, akasema, “Mbona, laweza lolote jema kutoka Nazareti?”

Kasema, “Njoo, uone.” Hiyo ndiyo njia bora zaidi ya kujua. Nenda, upate kujua. Kasema, “Njoo uone.”

<sup>74</sup> Vema, akaja pale, mnajua, mtu mzuri, mtu mzuri mwadilifu, mwaminifu kadiri siku zilivyo ndefu, naye akaenda pale mbele ya Yesu, akisimama pale kwenye umati, naye Yesu akitazama huku na huku. Ningewazia alipomsikia Yesu, ama kumwona akiombea baadhi ya wagonjwa ama chochote kile, moyo wake kwa namna fulani ukaanza kuyeyuka kidogo.

<sup>75</sup> Mwajua, ninaweza kumsikia, karibu, akimwambia Filipo neno: "Aisee Filipo, Jamaa huyo ni tofauti kidogo na mhubiri wa kawaida tunayemwona." Loo, jamani! Yeye *ni* tofauti! Akasema, "Yeye *ni* tofauti kidogo tu. Kidogo napenda jinsi anavyozungumza."

<sup>76</sup> Namsikia Nathanaeli akisema, "Naam, *ni—ni—nilifikiri* ungebadili nia yako utakapomwona na kuweza kumsikia mara moja. Ulikuwa tu ukitoa maoni yako, kule chini, ukasema, 'Hakuna kitu chochote chema kinachoweza kutoka Nazareti.'"

<sup>77</sup> Yapata wakati huo, Yesu akigeuza kichwa Chake cha kupendeza, macho Yake makubwa na laini yakitazama kule, alisema, "Tazama, Mwisraeli ambaye hamna hila ndani yake." Hilo lilimtikisa.

Kasema, "Mimi?" Kasema, "Ulinijuaje, Kasisi, au Rabi?"

Akasema, "Kabla Filipo hajakuwa, ulipokuwa chini ya mtu nilikuona." Huo hapo mfano wa Ukristo. Hiyo ni kweli.

<sup>78</sup> Alikutana na mwanamke kisimani naye akawatuma wanafunzi. Wakaingia mjini kununua chakula, vyakula, nao wakiisha kuondoka, Yesu akijua ya kuwa yule mwanamke atakuja, kwa sababu alisema, "Hakutenda neno isipokuwa Baba amwonyeshe."

<sup>79</sup> Kutoka Yerusalem unaenda moja kwa moja mpaka Yeriko, lakini alipitia njia ya Samaria. Sijui kwa nini. Alikuwa na haja kuitia Samaria. Sijui kwa nini.

Akatoka pale, akaketi kisimani, ndipo huyo mwanamke akaja kuteka maji. Naye akasema, "Nipe maji ninywe."

Akasema, "Mbona, si desturi kwa Wayahudi kuwaomba Wasamaria kitu kama hicho."

Kasema, "Lakini kama ungejua ni nani unayesema naye, ungeniomba Mimi maji unywe, nami ningekupa Maji ambayo hukuja hapa kuyateka."

"Mbona," akasema, "kisima ni kirefu," na kadhalika.

Akasema, "Nenda kamwite mumeo," moja kwa moja kwenye hoja. "Nenda kamwite mumeo. Hivyo ndivyo tatizo lako lilivyo."

Akasema, "Sina mume yejote."

Kasema, "Hiyo ni kweli. Umekuwa na watano."

"Mbona," akasema, "naona ya kwamba Wewe ni Nabii, Bwana." Akasema, "Ninajua Masihii ajapo anaweza kufanya mambo haya, lakini Wewe ni Nani?"

Akasema, "Mimi ninayesema nawe, Ndiye." Amina.

<sup>80</sup> Hiyo hapo ishara ya Ukristo. Hiyo hapo imani waliyokuwa nayo. Huo hapo mfano.

<sup>81</sup> Mbona, akakimbia mjini. Yesu akaingia, hakufanya miujiza yoyote wala kufanya yoyote ya ishara Zake. Alizungumza tu

na watu. Wakasema, "Tunakuamini. Tunakuamini. Si kwa sababu huyu mwanamke alisema ya kwamba Wewe ulijua siri ya maisha yake, lakini—lakini kwa sababu tulikusikia ukizungumza, tunakuamini. Ndiyo sababu sisi..." Tazama kilichotokea baadaye kidogo kwa jiji hilo.

<sup>82</sup> Yesu aliendelela mbele. Angalieni, hiyo ndiyo aina ya Maisha alioishi. Alipita kwenye birika la Bethesda, kando ya birika, hasa, ambapo umati mkubwa wa wagonjwa ulikuwa umelala, viwete, vilema, vipofu na waliopooza.

<sup>83</sup> Sasa, angalieni. Je, mnaamini Yesu alikuwa na huruma? Alijawa upendo. Lakini ni kama vile tu watu wakati mwingine, wenye upendo, wanashahau ni aina gani ya upendo wanayozungumzia. Upendo wa Fileo na upendo wa Agapao: mmoja... Zote mbili ni upendo, lakini mmoja ni upendo utokao Juu, na huo mwingine ni upendo wa hapa duniani.

<sup>84</sup> Kama vile nilivyokuwa nikizungumza na mwandishi wa habari leo hii, nikasema, "U—upendo hapa chini, upendo wa kibinadamu, ungekufanya umpige mtu risasi kwa sababu ya mke wako, lakini upendo utokao Juu ungekufanya uiombee nafsi yake iliyopotea." Tofauti sana; mnaona? Mmojawapo ni upendo hapa chini kwenye kiwango hiki, upendo wa kibinadamu, na huo mwingine ni upendo utokao Juu.

<sup>85</sup> Nayu huruma inayotazama umati na kusema, "Loo, naomba umponye mtu huyu, yeye ni mgonjwa. Yeye ana haja sana. Huyu ni mtu mwema; tunamfahamu. Mponye mtoto huyu mchanga. Angalia," hiyo ni huruma ya kibinadamu. Lakini ninii halisi... Hii hapa: Huruma halisi ya Kiungu ni kufanya mapenzi Yake aliyekutuma kuyafanya.

<sup>86</sup> Yesu aliwapita wagonjwa wote, na wanaoteseka, na viwete, akaenda kule, akamkuta mtu amelala juu ya godoro, kasema, "Wataka kuwa mzima?"

"Vema," akasema, "Naweza kutembea. Ninaposhuka kwenye birika, mbona, mtu mwingine mwenye nafuu kuliko mimi hushuka mbele yangu."

<sup>87</sup> Yesu akasema... Sasa angalia, Yesu aliju ya kuwa alikuwa amekaa pale, alikuwa mgonjwa kwa muda wa miaka thelathini na minane, alikuwa na ugonjwa huu kwa miaka thelathini na minane. Kwa nini amponye mtu kama huyo? Alikuwa akifanya mapenzi ya Baba. Naye akampata, akasema, "Jitwike godoro lako uende zako uingie nyumbani kwako." Akakunja godoro lake na kufanya yale Yesu aliyomwambia afanye, akaenda zake.

<sup>88</sup> Wayahudi wakakutana naye, wakaanza kumhoji; wakamfanyia kesi. Yesu akafanyiwa mashtaka.

<sup>89</sup> Na cha 19, hiyo ni mlango wa 5 wa Yohana Mtakatifu na kifungu cha 19, Yesu alipoulizwa... Nashangaa wangemwuliza Yesu nini. Jambo la kwanza, kuponya siku ya Sabato. Jambo la

pili: "Kwa nini usiwaponye walio huko chini? Shuka kule chini ukawaponye wote kama unaweza kufanya hivyo?"

<sup>90</sup> Sikilizeni tamshi la Yesu akiwajibu: alisema, "Amin, amin, nawaambia, Mwana hawezu kufanya neno Mwenyewe, ila lile Baba anionyeshalo. Kile ninachomwona Baba akitenda, Baba hunionyesha Mimi, kisha ninaenda kukitekeleza."

<sup>91</sup> Kwa neno lingine, Yesu hakufanya neno kwa nafsi Yake Mwenyewe mpaka alipoona ono la yale ambayo Baba alisema yatendwe. Ndipo alipoenda na kufanya jambo hilo. Huo ndio Ukristo: kufanya mapenzi ya Mungu. Hayo yalikuwa ndiyo Maisha Yake. Hivyo ndivyo Yesu alivyofanya.

<sup>92</sup> Sasa, Yeye alisema nini alipoondoka? Tunaishindania imani ambayo ilikabidhiwa mara moja tu. Ilibidi itoke mahali fulani kama ilikabidhiwa watakatifu. Hiyo ni kweli? Ile imani waliyokabidhiwa watakatifu mara moja tu: Ni nani aliyeikabidhi?

<sup>93</sup> Yeye alisema, "Bado kitambo kidogo na ulimwengu hautaniona tena. Hata hivyo, ninyi mtaniona Mimi, kwa kuwa nitakuwa pamoja nanyi hata ndani yenu, hata ukamilifu wa dahari; na mambo nifanyayo ninyi nanyi mtayafanya, hata zaidi ya haya, kwa kuwa naenda kwa Baba Yangu." Mnalipata? Ilikuwa ni nini?

<sup>94</sup> Imani aliyoiwakilisha, aliikabidhi Kanisa lipate kuipeleka hata miisho ya ulimwengu. Amina. Loo, natumai kweli utashuka uingie chini ya ngozi yako, uangalie ubavu wako wa tano upande wa kushoto.

<sup>95</sup> Angalia, hiyo ilikuwa ndi—ndiyo imani ambayo Yuda alikuwa akiizungumzia. Imani ya namna hiyo, mambo ambayo Yesu alifanya, ile imani aliyoikuwa nayo kwa Mungu, alikabidhi jambo lilo hilo kwa watakatifu. Kwa kuwa alisema, "Mambo yale yale nifanyayo, ninyi nanyi mwayafanya." Haleluya! Natumaini ni sawa.

<sup>96</sup> Angalieni, "Mambo nifanyayo, ninyi nanyi mtayafanya. Nawasilisha hili kwenu. Lakini kabla hamjalipata, nendeni huko kwenye mji wa Yerusalem mkangoje kidogo. Nitawaleta juu yenu ahadi ya Baba. Nitarudi kuwaona hivi karibuni sana. Ninapanda kwenda Kalvari. Watanisulubisha Mimi, wataniweka mikononi mwa Mataifa. Watu waovu watanisulubisha, lakini nitafufuka siku ya tatu. Kisha nitarudi tena. Basi ngojeni katika mji wa Yerusalem." Luka 24:49, "Ngojeni, au subirini, kwenye mji wa Yerusalem kabla ya kwenda ulimwenguni kote na Injili hii. Ninataka mwende kwenye mji wa Yerusalem na mngoje huko hadi nitakapokuja." Um-hum.

<sup>97</sup> Kama Yeye Ndiye atakayekuwa ndani yako, Yeye ndiye aliyekuja katika umbo la Roho. "Pandeni juu mkangoje, kwa maana nitapeleka ile ahadi, Baba aliywaaahidi. Nitaituma juu

yenu. Ndipo nitakuwa pamoja nanyi, hata ndani yenu, kote kote hata mwisho wa ulimwengu. Nami nitakuwa ndani yenu, nikifanya mambo yale yale niliyofanya nilipokuwa hapa katika mwili huu. Nitarudi katika Mwili Wangu wa kisiri nikifanya jambo lile lile.” Mnalionia?

<sup>98</sup> Kwa maana kitu pekee kifo Chake kilikuwa pale Kalvari kilikuwa ni kumwokoa mwenye dhambi na kuliletea Kanisa uwezo au mamlaka, na imani ya kufanya mambo yale yale aliyofanya, ama kuufungua moyo, kufanya njia ambayo Mwenyewe angeweza kukaa ndani yake. Natumaini mnalionia.

<sup>99</sup> Angalieni. Tutaona ikiwa ilifanywa. Vema, wakati alipoondoka kisha Roho Mtakatifu akaja kwenye Siku ya Pentekoste (Angalieni!), mara maskini mtu aitwaye Filipo, akiwa amejazwa sana na Kristo, alishuka mpaka Samaria ambako Yesu hakufanya miujiza yoyote, bali alimwambia yule mwanamke katika ufunuo wa Kiungu shida yake na kadhalika; akashuka kule na kuhubiri na kufanya miujiza, na kutoa pepo, nao walikuwa na furaha kuu mjini. Hiyo ilikuwa ndiyo imani waliyokabidhiwa watakatifu mara moja tu.

<sup>100</sup> Petro, baada ya kujazwa na Roho Mtakatifu, alikuwa safarini siku moja, naye akapanda juu ya nyumba kungojea chakula cha jioni. Pengine hakula kifungua kinywa chochote maana alikuwa na njaa. Basi walipokuwa wakijiandaa hapa kando ya bahari, na nyumba ya Simoni, mtengenezaji wa ngozi, Simoni Petro alipanda juu darini, ambayo ilikuwa ni desturi katika nchi za Mashariki, kulala juu darini, kula juu darini, na kila kitu, Petro akapanda juu na kuketi, naye alikuwa anapumzika kidogo. Basi alipokuwa akipumzika, alikuwa mwakilishi wa ile imani.

Inabidi tuharakishe sasa. Tayari ni saa tatu. Kwa kumalizia, sikilizeni.

<sup>101</sup> Ilimbidi kuwakilisha imani. Kwa maana Yesu alikuwa amemwambia kwamba angeiwakilisha. Hivyo basi wakati alipoingia katika mpagao... Nashangaa alijipata katika hali gani. Biblia ilisema aliingia kwenye njozi.

Leo wangesema “Huyo hapo mwana mizimu.” Uh-huh, uh-huh.

<sup>102</sup> Aliingia katika njozi, na katika hiyo njozi akaona ono. Hilo ono lilikuwa likimwambia nini? Mapenzi ya Mungu hasa. Jambo lile lile lililompata Yesu wa Nazareti.

<sup>103</sup> Akasema, “Sasa angalia, Petro, nataka upande juu. Kuna baadhi ya watu wanaokuja, wanakungoja sasa, nami nimekuonyesha ono hili la shuka hili lililojaa vitu najisi.”

<sup>104</sup> Ndipo Petro akasimama, akasema, “Loo, hapana. Huhuh. Sitawayi kula chochote kibaya.” Kasema, “Mimi—mimi...

Hakuna kitu kimoja najisi kilichoingia mwilini mwangu.” Kasema, “Sitakula.”

<sup>105</sup> Akasema, “Usiviite vichafu na najisi vile vitu nilivyovitakasa.” Akasema, “Sasa, Petro, huelewi ono hilo, lakini wako watu wawili wanaokungojea. Inuka, ufuatane nao, usiwe na tashwishi.” Loo, jamani. Hiyo hapo imani waliyokabidhiwa watakatifu mara moja tu. Hivyo ndivyo walivyotenda nayo.

<sup>106</sup> Kwa hiyo Petro akainuka, labda, hata hakula chakula chake cha jioni, naye huyo akaenda. Naye Kornelio alikuwa ameona ono, na alikuwa amewaita watu wake wote, wateule, akawaingiza ndani, akawaketisha, labda akachukua benchi ya kufulia, na kila kitu, akatoa viti, na kuwaweka watu wote karibu. Ndipo Petro akaingia na kuanza kushuhudia na kuwaambia jinsi Roho Mtakatifu alivyowashukia kwenye Siku ya Pentekoste.

<sup>107</sup> Petro alipokuwa akisema maneno hayo, Roho Mtakatifu akawashukia watu wa Mataifa. Hiyo ndiyo imani waliyokabidhiwa watakatifu mara moja tu. Ndipo wote wakaanza kunena kwa lugha, na kumwinua Mungu, na kumtukuza Mungu, wakiwa na mkutano wa namna ile ile waliokuwa nao kwenye Siku ya Pentekoste. Petro akasema, “Je, tunaweza kuzuia maji, kwa kuwa hawa wamempokea Roho Mtakatifu vile vile kama sisi hapo mwanzo?” Kwa hiyo akaamuru wabatizwe katika Jina la Bwana. Akakaa nao siku kadhaa.

<sup>108</sup> Kwenye wakati huu kulikuwa na m—mtu asiyejali sana, Paulo, mwenye Shahada ya kwanza na D.D. na Ph.D. ambaye alijua yote kuhusu theolojia. Akasema, “Nitachukua kundi hilo la watu na, watu wendawazimu...” Ndivyo alivyosema: “Uzushi.” Ni nini mtu mwenye uzushi, *mzushi*? “Mpumbavu, mwendawazimu.” Kasema, “Nitawakamata kila mmoja wao. Hata hawajui wanalozungumzia.”

<sup>109</sup> Paulo alikuwa hapa chini katika milki ya kawaida na Ph.D yake. Mnaona? Hakujua. Alikuwa na imani ya kiakili, bali hakuwa na imani ya Kiungu. Kuna tofauti kubwa kwangu kuwa na imani ya kiakili kuliko imani ya Kiungu. Hapo ndipo ninyi, marafiki zangu Wabaptisti, mliposhindwa kuendelea. Unapata imani ya kiakili kwa *hilo*, bali haina budi kuwa ni ufunuo wa Kiungu wa Yesu Kristo kwako unaoondoa dhambi moyoni. Imani ya kiakili haitoshi. Hiyo ni sawa, lakini inakuleta tu kwa Roho Mtakatifu. Roho Mtakatifu ni ujuzi wa kibinagsi wa kuzaliwa, kuzaliwa upya, kuzaliwa mara ya pili, kufanyika kiumbe kipyta katika Kristo.

<sup>110</sup> Angalieni, Paulo aliruka juu ya farasi wake, akashuka hadi Dameski akiwa na barua kadhaa kutoka kwa kuhani mkuu, kasema, “Nitawakamata kila mmoja wa hao wazushi. Nitawarudisha.”

<sup>111</sup> Angalia jinsi Injili ilivyoenezwa. Haikukaa kimya kama ilivyo siku hizi. Ndugu, walipoziona kazi za Mungu zikifanywa na mitume hao, hao wakaenda zao. Walikuwa na moto kweli kweli. Walikuwa wakifanya jambo fulani. Pengine uamsho wa Filipo ulizalisha jambo kubwa.

<sup>112</sup> Na huko mbali Paulo akienda zake Dameski kutoka Samaria kwenda Dameski; Mungu alikuwa tayari amemwita mtu fulani, na kumjaza na Roho Mtakatifu, na kumpa karama ya utambuzi. Nalo jina lake alitwa Anania.

<sup>113</sup> Kwa hiyo Paulo akishuka kwenda zake . . . Hiyo ndiyo imani waliyokabidhiwa watakatifu mara moja tu. Paulo akishuka kwenda zake, akienda shoti kwa maskini farasi wake mkubwa, vitisho vitupu tu, akitamka mambo makubwa mno: “Aha, ngoja nifike huko chini,” vitisho vikubwa, “Wa—watanijuta. Nitakomesha kelele hizo zote huko na hayo maono na huko, huko kutabiri kwote. Nita—nitakukomesha.”

<sup>114</sup> Basi mnamo wakati huo ile Nguzo ya Moto iliyowaongoza wana wa Israeli, kamwe haikutokea mbele yake, bali ilimpiga moja kwa moja usoni na kumwangusha kutoka kwa farasi wake. Amina. Akaanza kugaagaa pande zote, akatazama juu, naye alikuwa amezungukwa na mwanga mkuu; Nguzo ile ile ya Moto, Nuru iliyong’aa kwa nguvu kuliko jua katika ninii yake, katikati ya joto lake. Paulo akakitikisa kichwa chake.

Akasema, “Sauli, Sauli, mbona unanitesa?”

Kasema, “Bwana, ni nani ninayemtesa?” Ni tofauti jinsi gani.

<sup>115</sup> Mungu akasema, “Sasa, unaona nitakachomfanyia? Nitamfanya ninii—nitamfanya chombo; nitamfanya anitumikie Mimi.” Mungu anayo njia ya kufanya mambo, mnajua.

<sup>116</sup> Kwa hiyo akasema, “Sasa, simama, simama kwa miguu yako ushuke kwenye barabara iitwayo Nyofu.” Hapo ni mahali pazuri pa kumpeleka mwongofu mpya. Kisha akasema, “Shuka uende Dameski, barabara iitwayo Nyofu.”

<sup>117</sup> Sasa, ninaweza kumwazia Paulo akiingia mahali fulani pale, na kusema, “Mama, loo, kichwa changu kinauma. Macho yangu, ninaona kwa shida, kimulimuli kidogo, nami niko katika hali mbaya sana.” Akapata chumba kidogo, na kukikodisha, pale hotelini, kisha akaingia mle. Basi siku nzima, akaomba, akisema, “Bwana, Yesu, nitazirarua maskini barua hizi zote ambazo Anania alinipa. Si—sitaki kujua zaidi juu yazo. Nataka kukujua Wewe zaidi, Bwana.”

<sup>118</sup> Basi kulikuwako na maskini mhubiri mmoja kule chini, ambaye aliona maono, jina lake Anania. Mnaona? Ile imani waliyokabidhiwa watakatifu mara moja tu, aliipataje? Unaona? Injili ilikuwa imehubiriwa.

<sup>119</sup> Naye Anania akaona ono, akamwona mtu mmoja jina lake Sauli, amelala ndani ya nyumba moja, akigaagaa, na kugeukageuka, na kulia, na kupiga makelele. Bwana akasema, “Anania, shuka kule kwenye barabara iitwayo Nyofu, ukaweke mikono yako juu yake, apate kuona tena, na kuponywa, na kumpokea Roho Mtakatifu.”

<sup>120</sup> Ni kitu gani? Mungu alimtokea Anania katika ono. Imani aliyoileta Yesu, ma—matokeo yanayoambatana nayo, yaliletwa Kanisani. Kasema, “Shuka uende huko sasa, weka mikono yako juu yake, atampokea Roho Mtakatifu na kupata kuona.”

<sup>121</sup> Mungu angali anawafunulia watu, “Nenda, weka mikono yako juu ya *huyu*, mwambie *huyu*, sema na *huyu*, nenda huku kwa *yule*.” Unalionna kila usiku. Amina.

Kasema, “Shuka ukaweke mikono yako juu yake.”

Akasema, “Bwana, nimesikia kuhusu jamaa huyu.” Kasema, “Anawakokota, anatisha, na tunasikia ana barua kutoka kwa kuhani mkuu.”

Mungu akasema, “Tazama, anaomba.”

<sup>122</sup> Wakati alipotoka kwenye ono, ninaweza kumwona akijipangusa macho na kujirudisha katika hali ya kawaida tena, akanyosha mkono akaitwaa Biblia yake, tuseme, Maandiko yake, akayaweka chini ya mkono wake, naye huyu hapa anashuka barabarani.

<sup>123</sup> Akiangalia barabara inayoitwa Nyofu, kasema, “Sasa, hebu tuone. Niliona katika ono hilo nyumba iliyonekana namna *fulani*. Yuko wapi?” Anapita kwenye bustani ya mji, chini kupita mahakama, akishuka kupita sinagogi, akitembea. Na huku, alisema, “Loo, ndivyo hivyo. Mahali pale ndipo nilipoona katika ono.” Anapanda kule na kubisha *mlangoni*, anafungua na kuingia ndani, huyu hapa maskini Sauli amelala mle ndani, akigaagaa, na kuenda huku na huku, akiomba.

<sup>124</sup> Akamwendea na kusema, “Ndugu Sauli...” Amina! “Ndugu Sauli, uliona ono ukishuka huku, sivyo? Bwana Yesu alikutokea, kule juu.”

Nasikia Sauli akisema, “Unajuaje?”

“Mbona, Yeye alinitokea hapa chini, na akaniambia yote kuhusu hilo.”

<sup>125</sup> Hiyo ndiyo imani waliyokabidhiwa watakatifu mara moja tu. Akasema, “Alikutana nami kule chini na kuniambia nije huku na kukuwekea mikono upate kuponywa, na pia, ili upate kupokea Roho Mtakatifu; kwa kuwa amekuchagua wewe.” Loo, jamani. Haya basi.

<sup>126</sup> Akaweka mikono yake juu yake, na kuomba huku yeye... Mungu alivyomwagiza kufanya. Ndipo macho ya Paulo yakaponywa. Naye akampeleka moja kwa moja mtoni na

kumbatiza, akiliitia Jina la Bwana, akiosha dhambi zake. Basi Paulo akaitwa kwa Injili. Hiyo ndiyo imani waliyokabidhiwa watakatifu mara moja tu.

<sup>127</sup> Paulo akiwa amesimama pale usiku mmoja, akiwa mfungwa katika...akienda kwenye manchanini za Rumi ya kale. Nilisimama, mahali ambapo walikikata kichwa chake na kumtupia dirishani hadi kwenye handaki. Linauchoma moyo wako! Hapo Paulo, gerezani, akitoka, alipandishwa kwenye maskini merikebu ya kale, iliyolemewa na shehena ya ngano. Naye akienda zake huko, aliwaambia watu, kasema, "Ninahisi ya kwamba hatupaswi kuondoka hapa, kutoka Krete, na kwenda kule." Akasema, "Ninahofia mtasababisha shida fulani."

<sup>128</sup> "Naam, kwani mfungwa huyu ni nani hata hivyo? Mpige teke merikebuni." Basi siku kumi na nne mchana na usiku katika kile kimbunga kikuu, matumaini yote ya kuokolewa yakatoweka. Walitupwa huku na huko, kisha sindano ya dira ikakatika. Kila kitu, mlingoti ulianguka, na ni ha—hali ya jinsi gani; matanga ya kale yalitatuka yakawa nyuzi, na kila mtu alikuwa akipiga mayowe na kulia; basi matumaini yote kwamba wangeweza kuokolewa yakatoweka. Huyu hapa Paulo na minyororo yake mikononi na miguuni mwake.

<sup>129</sup> Usiku mmoja alishuka kwenye manchanini, labda, kwenye kiambaza cha kukingama, akatambaa nyuma mahali padogo na kufunga mlango, chumba cha siri, akaanza kuomba, labda, usiku kucha. Kesho yake asubuhi, wakasikia minyororo ikichacharisha, ikipanda ngazi, huyu hapa Paulo anakuja, akiwa amesimama pale nje akiitikisa mikono yake yenye sugu kutokana na minyororo kwa sababu ya kuhubiri Injili, akiishindania imani waliyokabidhiwa watakatifu mara moja tu, akiwa na hiyo minyororo mikononi mwake.

<sup>130</sup> Angalieni. Kama aliihubiri na kuishindania, Mungu atamzawadnia hiyo. Huyo hapo na mikono yake namna *hiyo*, kasema, "Hebu kidogo. Hebu kidogo. Iweni na moyo wa ushuja, kila mmoja wenu." Huku maskini ile meli ya kale ikirukaruka huku na huku. "Iweni na moyo wa ushujaa. Kwa maana Malaika wa Mungu, ambaye mimi ni mtumishi Wake, alisimama karibu nami jana usiku." Huenda ilikuwa ni ile Nguzo ya Moto, sijui ilikuwa ni nini. Huenda ikawa ni ile ile iliyomjia Petro na kumtoa gerezani. Sijui mimi.

<sup>131</sup> Lakini kasema, "Malaika wa Mungu, ambaye mimi ni mtumishi Wake, alisimama karibu nami jana usiku, akisema, 'Usiogope, Paulo.'" Kasema, vinginevyo, "Mabwana, niliona ono jana usiku. Malaika wa Bwana alinijia, akaniambia nisiogope. Kwa maana sina budi kuletwa mbele ya Kaisari, hata hivyo, maskini meli hii ya kale itaharibika kwenye kisiwa *fulani*; na kwamba, sina budi kusimama mbele ya Kaisari, na Mungu amempa kila mmoja wenu, mnaosafiri pamoja nami, nimepewa

ninyi. Kwa hiyo, ndugu,” akasema, “changamkeni, maana ninamwamini Mungu. Itakuwa tu kama nilivyoonyeshwa.” Ile imani waliyokabidhiwa watakatifu mara moja tu, ilikuwa ni nini? Roho wa Kristo ndani ya mtume. Je, hiyo ni kweli?

<sup>132</sup> Upesi, inanibidi kufunga. Roho wa Kristo ndani ya hao mitume, mara nyngi tumekiita hicho Kitabu, “Matendo ya Mitume.” Hilo lilikuwa ni kosa. Ni Matendo ya Kristo katika Mitume, maana wao walikuwa wanadamu. Lakini walikuwa na imani ile ile.

<sup>133</sup> Sasa, Roho wa Kristo katika mitume ndiye aliyekuwa akifanya hayo. Miaka thelathini na mitatu baadaye, Yuda alisema, “Daima ishindanieni ile imani. Niliandika...nilifanya bidii kuwaandikia ili niwasih” (Kuwachochea, kwa maneno mengine.) “kwamba mwishindanie kwa bidii, kwa bidii” (Mwendelee kushikilia.) “imani ile ile waliyokabidhiwa watakatifu.”

<sup>134</sup> Je, kanisa lako linaamini hilo? Ikiwa linaamini, linaishindania imani ile waliyokabidhiwa watakatifu mara moja tu: Ishindanie ile imani kwa bidii.

<sup>135</sup> Sasa, je, kanisa lako linaamini ya kwamba Yesu Kristo katika umbo la Roho Mtakatifu, yuko hapa leo? Kama tunaamini Roho Mtakatifu yuko hapa, basi Biblia ilisema, “Yesu Kristo alikuwa yeye yule jana, leo, na hata milele.” Basi Roho Mtakatifu yule yule aliyekuwa juu ya mitume hana budi kuwa Roho Mtakatifu yeye yule aliye hapa leo. Je, hiyo ni kweli?

<sup>136</sup> Vipi kama ningewaambia usiku wa leo ya kwamba roho ya John Dillinger ilikuwa ndani yangu? Mbona, ingekuwa hatari kuwa hapa. Utatarajia niwe na bunduki mbili kubwa kiunoni mwangu, kwa sababu roho ya John Dillinger, mhalifu, ilikuwa ndani yangu.

<sup>137</sup> Vipi kama ningekwambia roho ya msanii fulani mkubwa, maarufu ilikuwa ndani yangu? Unatarajia nichovye burashi kwenye rangi na kuchora picha, hapa, ya machweo ya jua au mawimbi yakifingirika kule, ambayo yangetukutia na kukustaa jabisha sana.

<sup>138</sup> Vipi kama ningekwambia ro-roho ya George Beverly Shea? pipi kama ningekwambia roho ya Einar Ekberg? ilikuwa ndani yangu? Ungetarajia niimbe kwa sauti tamu ambayo watu hao wanaimba nayo, kwa sababu roho yao iko ndani yangu.

<sup>139</sup> Na kama ningesema ya kwamba Roho wa Kristo yuko ndani yangu, hana budi kuzalisha Uhai wa Yesu Kristo hasa. Na kama Kristo yuko hapa, Tumaini la utukufu ndani yetu sasa, Yeye atazalisha Maisha yale yale hasa aliyoza lisha wakati ule.

<sup>140</sup> Chicago, marafiki zangu wapendwa, mlionunuliwa kwa Damu ya Bwana wetu Yesu, ndivyo mlivyo. Kwenu ninyi mnaonipenda, na mliokuja kunisikiliza, ninawapenda kwa

upendo usio na mwisho. Basi kumbukeni: Sikuzote ishindanieni imani waliyokabidhiwa watakatifu mara moja tu, tuliyoletewa na Yesu Kristo, iliyorithishwa kutoka kwa mitume hadi kwa akina Mtakatifu Frances, na kadhalika, kuendelea mbele, zaidi na zaidi. Ni Bwana Yesu yeye yule, jana, leo, na hata milele. Nami niko hapa, usiku wa leo, kuishindania imani hiyo waliyokabidhiwa watakatifu mara moja tu. Basi Mungu anisaidie daima, hata siku ya kufa kwangu, kuishindania imani waliyokabidhiwa watakatifu mara moja tu.

Hebu uirokee ndilo ombi langu, katika Jina la Kristo.

<sup>141</sup> Baba, maneno haya machache yaliyovunjikavunjika ambayo yamesemwa sasa, dakika arobaini na tano hivi, nikachelewa sana, zaidi ya nilivyokusudia, kwa sababu ya msukumo na hisia ya Ujumbe, Neno, kuwafikishia watu. Kama wangeweza tu kulipokea Neno, basi watakuwa Nawe moyoni mwao. Ndipo nitakapokuwa umbali wa maili nydingi, wangali watakuwa na imani waliyokabidhiwa watakatifu mara moja tu.

<sup>142</sup> Baba, nijuavyo mimi, nimesema kweli, na ninii...yote nijuayo jinsi ya kuyasema, kwamba huo ni ukweli. Ni imani. Na sasa, Bwana Yesu, Wewe uliyesema maneno haya vizuri sana, "Nitakuwa pamoja manyi, hata ndani yenu, hata mwisho wa ulimwengu," naomba uje usiku wa leo na kudhihirisha ufulufuo Wako katika nguvu za Uungu, nguvu za ono, nguvu za uponyaji, nguvu ya msamaha wa dhambi, ujidhihirishe Mwenyewe kwa hili? Sisi watoto tunaongojea, wenye miyo yenye njaa, tunataka kuona madhihirisho ya imani waliyokabidhiwa watakatifu mara moja tu. Haidhuru unakuja mara ngapi, Bwana, bado ninaipenda. Nataka kuiona tena na tena; kwa maana nakupenda Wewe. Nataka kuwa pamoja Nawe milele.

<sup>143</sup> Na, Baba, ninaomba, usiku wa leo, ya kwamba utaichukua ibada hii mikononi Mwako sasa, kisha uje na kufanya jambo fulani kama lile ulilofanya huko nyuma, kama ulivywafanyia wale huko Emau, siku ile, ukiumega mkate; ulifanya tofauti na mtu mwengine yejote, ndipo macho yao yakafumbuliwa wakakutambua Wewe, ya kwamba Wewe ulikuwa pale, wakatambua Wewe ulikuwa Nani. Si uje usiku wa leo na kufanya jambo lile lile? Labda, si jambo lile lile, lakini ufanye jambo fulani hivi kwamba, hata tutajua kwamba ni Yesu yeye yule aliyetambulishwa kwa ulimwengu, ile imani waliyokuwa nayo watakatifu, na ingali inaendelea hata wa leo.

<sup>144</sup> Jalia asiemeamini, mwenye shaka aokolewe usiku wa leo. Wagonjwa na waponywe na watakatifu wafurahi. Kwa kuwa tunaomba katika Jina la Yesu, Mwanao, ambaye alituahidi mambo haya. Amina.

<sup>145</sup> [Sehemu tupu kwenye kanda—Mh.]...?...Nimewapa watu hapa ukumbini, huku wakifungua urekodishaji wao, ibariki

mioyo yao, wanazipata hizo, maana wapendwa wengi, wanataka kujua wakati mwininge yale waliyoambiwa. Itazame.

<sup>146</sup> Sasa, kabla sijaingia kuwaombea wagonjwa, sasa, nitasema hivi, ndugu yangu mpPENDWA, dada: Huenda ikawa, usiku huu, kwamba hakuna hata jambo moja litakalosemwa. Siwezi kusema. Sina udhibiti wake. Mungu anadhibiti hilo. Unaona?

<sup>147</sup> Sasa, nataka mfanye hivi. Sasa, kama waaminio... Ikiwa una shaka, usikae karibu, yakianza, kwa sababu utajikuta tu kwenye shida. Lakini kumbuka, unaweza kupata ugonjwa, hakika, kwa hivyo kumbuka: nguvu za pepo zitakuwa zimefunguliwa, ikiwa Roho Mtakatifu akija kuwatoa. Mnaamini Yeye alitureua kufanya hivyo?

<sup>148</sup> Alisema, "Haya..." Maneno, jambo la mwisho alilosema, kabla hajaondoka duniani, hotuba ya mwisho kwa Kanisa: "Enendeni ulimwenguni kote, mkaihubiri Injili hii kwa kila kiumbe." Je, hiyo ni kweli? Isingeweza kuwa ni kwa wanafunzi pekee, kwani Yeye alisema, "Ulimwenguni kote, na kwa kila kiumbe. Na ishara hizi zitafuatana nao katika ulimwengu wote, kwa kila kiumbe, waaminio. Kwa Jina Langu watatoa pepo, watanena kwa lugha mpya, wakishika nyoka, wakinywa kitu cha kufisha, hakitawadhuru. Wakiweka mikono yao juu ya wagonjwa watapata afya." Naye akapokelewa juu Utukufuni, ndio mara ya mwisho Sauti Yake imesikika dhahiri duniani tangu wakati huo, mpaka atakapozipasua mbingu tena apate kurudi.

Alisema, "Nitakaporudi, je, nitaikuta imani? Ishara hizi zitafuatana na hao waaminio": Imani.

<sup>149</sup> Njoo pamoja na barua, ndugu. Hebu tuombe sasa kwa ajili ya baru-... [Sehemu tupu kwenye kanda—Mh.]

<sup>150</sup> Vema. Njoo hapa, mama. Sasa, nataka kukuuliza; huyu hapa mwanamke amesimama. Nikiwa nimesimama hapa tena usiku wa leo, naamini ilikuwa siku chache zilizopita usiku, jambo lile lile: Huyu mama ni mwa—mwanamke mweusi. Naye tangu mwanzo wake, hali yake, yeze, Mwethiopia, na mimi ni Mwanglo-Sakson, ama jamii ya watu weupe. Jambo lile lile lilitukia kule Samaria, wakati Yesu alipokutana na yule mwanamke Msamaria, naye akasema, "Si kawaida Kwako kuwa na uhusiano wowote nasi." Maana walikuwa na u—ubaguzi siku hizo, lakini Yesu alimjulisha waziwazi kwamba hapakuwa na tofauti katika watu. Hiyo ni kweli.

<sup>151</sup> "Kwa maana watu hawaabudu katika mlima huu wala katika Yerusalem," Yeye alisema, "bali watu humwabudu Mungu katika Roho na Kweli, naye Baba anawatafuta watu kama hao." Mnaona? Roho na Kweli.

<sup>152</sup> Sasa, lakini huu ni mfano: Huyu hapa mwanamke, nadhani hatufahamiani, hatufahamiani mmoja na mwenzake. Lakini Mungu anatujua sote wawili. Naye anamjua kama Mwethiopia;

ananijua kama Mwanglo-Sakson. Na sisi sote ni wa damu moja. Mungu aliumba kutoka kwa taifa moja, mtu mmoja, damu... Kila mwanadamu ana damu ya aina moja; anaweza kutoa nyo... Wachina, Wajapani, wa manjano, wa kahawia, weusi, weupe, wote ni wa damu moja, ni rangi tu ya ngozi zao. Kwa hiyo Yesu Kristo alikuwa kwa ajili yetu sote wawili.

<sup>153</sup> Tunasimama hapa usiku wa leo, yeeye akiwa ni Mkristo; ninajua yeeye ni Mkristo, maana... Ninajuaje hilo? Vile vile tu Yesu alivyojua kwamba Filipo alikuwa mwa—mwaminio. Mnaona? Alisema, "Tazama, Mwisraeli ambaye hamna hila ndani yake." Mwaminifu na mkweli. Sijawahi kumwona hapo awali, kwa hiyo ninajuaje kwamba yeeye ni Mkristo? Kwa sababu roho karibishi inaingia ndani. Uh-huh. Mnaona? Yeye ni Mkristo. Anaamini.

<sup>154</sup> Sasa, yeeye yuko hapa kwa kusudi fulani. Mungu anajua hilo, sijui. Lakini akilifichua, basi Ukristo wa 33 A.D. unafanya kazi katika mwaka wa 1955. Hiyo ni kweli? Ndipo Yesu Kristo ni yeeye yule, jana, leo, na hatu milele, sivyo? kama ilivyokuwa kwa mitume.

<sup>155</sup> Mungu awabariki sasa, tunapoomba na ninapozungumza na mama huyu kwa dakika chache tu. Sasa, ninapozungumza nanyi, katika mstari wa maombi, sasa, kama umesimama hapo bila imani ya kutosha, kama uko hapo ukishuku kidogo tu, sijui. Lakini nitakwambia, kama unashuku, kama katika Jina la Bwana Yesu Kristo, kama huamini kabisa kuwa hii ni ya Mungu, ondoka mstarini, kwa sababu labda utapata shida nyingi zaidi kuliko ulizo nazo hapa unaposimama. Unaona? Kumbuka tu hilo. Unaona? Kwa sababu kadi yako ya maombi inakuleta hapa, unaona, hiyo inakupa haki ya kuja hapa. Lakini huko nje huo ni uteuzi Wake. Kama watu huko nje wasio na kadi za maombi, hao ni wale anaochagua Yeye; hawa ni watu walioitwa kwa namba. Kwa hivyo sitajua wewe ni nani, na kinachokuleta hapa. Lakini anapoonyesha maono huko nje, itakuwa ni mtu ambaye Yeye anataka kujua jambo fulani kumhusu, mnaona, ama kusema jambo fulani. Bwana awabariki.

<sup>156</sup> Sasa, mama, kama mwaminio pamoja nawe katika Bwana Yesu, katika upendo Wake mkuu na uweza, nami ni ninii tu... Unasema, "Ndugu Branham, ni nini wewe..." Ninazungumza nanyi tu, kuninii...

<sup>157</sup> Mnaona, ni kama tu kurekebisha sauti ya chombo, mnaona? Ninajua kuwa wewe ni mwaminio. Najua hilo, kwa sababu roho yako inajisikia kukaribishwa. Lakini sasa, kuna jambo ulilo nalo niani mwako, jambo fulani unalotaka lifanyike, ama kibali unachotaka kumwomba Mungu, ama jambo fulani. Na sasa, kufanya hivyo, sijui. Kwa hivyo, ni kama tu kurekebisha sauti ya chombo. Iwapo huelewi, unarekebisha sauti yake, na kukikaza na kukilegeza mpaka kitoe sauti ifaayo. Ndipo una ninii yako

ta-... unajua, kutoa sauti yako tamu, unaona, vile vile. Na hiyo ndiyo sababu ninazungumza na watu kwanza tu, na hawa hapa, wako wengi sana huko nje, wanaovutia kwenye roshani, na kila mahali, mchakato wa kudhoofisha tu, daima, wakati wote. Ni watu, imani yao. Mnaona?

<sup>158</sup> Lakini basi, kama ningeangalia kule nje kwanza, nisingejua ilipokuwa. Ninajua iko kote kwenye kusanyiko, lakini sijui ni nani. Lakini kama ninaweza kupata wawili ama watatu hapa, mpaka niweze kuwa na upatanifu na mapenzi ya Kiungu ya Mungu na mwongozo wa Roho Mtakatifu, ndipo italiendea kusanyiko. Mnaona ninachomaanisha, Wakristo? Naam. Sasa, ndivyo hivyo.

<sup>159</sup> Lakini, bila shaka, una shida ya macho. Umevaa miwani, na sio tu kwa ajili ya miwani yako, lakini una ugonjwa mbaya wa macho ambaa unakusumbua, hivi majuzi kuliko hapo awali. Hiyo ni kweli. Ni macho yako, ndiyo uko hapa ukitaka maombi kwa ajili ya macho yako, kwa maana inaonekana kana kwamba ya—yanapofuka. Lakini umekuja kuniomba nikuombee, kwamba Mungu ayaponye. Kwa maana najua hiyo ni kweli.

<sup>160</sup> Na kisha, wewe... Hebu niushike mkono wako kwa muda kidogo. Naam, unao ugonjwa, sio ugonjwa hasa, lakini ni uvimbe. Na ni uvimbe, na uvimbe huo uko kwenye titi. Nao uko kwenye titi lako la kushoto. Hiyo ni kweli. Um-hum. Sasa, je, unaamini ya kwamba hii ndiyo imani waliyokabidhiwa watakatifu mara moja tu? Je, unaamini kuwa huyo ni Roho ye ye yule aliyemwambia yule mwa—mwanamke kisimani, “Una waume watano”? Alijua ulikuwa na ugonjwa wako na shida yako ilikuwa nini, sivyo? Sasa, unaamini? Njoo hapa kwa dakika moja.

<sup>161</sup> Mungu Mpendwa uliye Mbinguni, twaomba kwamba Roho Wako akae juu ya dada yetu, na jalia aende akaponywe kwa kuwa baraka Zako ziko hapa, Roho Wako. Nami... Upako wako juu ya mtumishi wako, ninaweka mikono juu yake kwa amri Yako, na kumwambia yule pepo anayemtesa: Mwache! Katika Jina la Yesu Kristo. Amina.

Mungu akubariki, mama.

<sup>162</sup> Sasa, waweza kuja, mama? Nadhani hatufahamiani, sisi wenye, mmoja kwa mwингine? Je, unamwamini Bwana Yesu kwa moyo wako wote? Kulikuwa na mvuto mkubwa uliotoka kwa yule mama aliyepita hivi punde. Sababu yake, alikuwa na uvimbe, nawe unao pia. Ndivyo ilivyo. Una uvimbe, na huyo pepo aliyetoka kwake hivi punde, alikuwa akimpigia makelele huyu, unaona. Hiyo ni kweli. Uvimbe ndio unaotaka uombewe.

<sup>163</sup> Sasa, kama ningezungumza nawe kwa dakika moja, Mungu angefunua mambo mengine. Lakini je, unaamini sasa, kama ningeomba, kwamba—kwamba ingetukia kwamba

ungeponywa? Unaamini? Nakwambia: una mtu mwingine unayetaka aombewe. Loo, inaendelea kubingirika niani mwako. Ulikuwa unashangaa, siyasomi mawazo yako, lakini ulikuwa unajiliza ikiwa nilikuwa ninaenda kuipita haja hiyo. Hiyo si ni kweli? Siyasomi mawazo yako. Hiyo ni kweli. Ni binti yako. Hiyo si ni kweli? Naye anaugua u—ugonjwa wa akili. Hayupo hapa jengoni pamoja nawe usiku wa leo. Lakini unataka aponywe, sivyo?

<sup>164</sup> Sasa, unahisi kitu Fulani mwilini mwako mwote, sivyo? Sivyo, punga tu mkono wako. Huyo ni Malaika wa Bwana. Unaamini sasa, dada? Imani yako na ipande juu sasa na itakwisha.

<sup>165</sup> Baba, ninaweka mikono yangu juu yake, katika Jina la Mwanaao, Bwana Yesu, na kuomba kwamba hii iwe tiba, katika Jina la Yesu, kwa ajili ya utukufu Wake. Amina. Mungu akubariki, dada.

Sasa, hilo linapaswa kumshawishi mtu ye yeyote humu ndani: Yesu Kristo alifufuka katika wafu. Hiyo ni kweli? Hakika ni kweli.

Vema. Mlete hapa.

<sup>166</sup> Loo, jinsi inavyopendeza kumtumaini Bwana Yesu. Sasa, mnaona, kweli, sasa kile Roho Mtakatifu angenitaka nifanye, sasa hivi, (Mnaona?), sasa hivi, kama ningefuata mwongozo kamili wa Kiungu wa Roho Mtakatifu, ingekuwa ni kujitolea sasa hivi. Mnaona? Lakini naomba Mungu atupe neema kwa muda mrefu zaidi kidogo, kwa kuwa huu ndio usiku wa mwisho, tuna wengi sana mstarini. Mungu na atujalie.

<sup>167</sup> Lakini sasa hivi, ninahisi tu kama kitu Fulani kinafanya “whiu, whiu,” kikiita tu kwenye kusanyiko, kikiita, kikiita. Loo, naomba Mungu ayafungue macho yako, usiku wa leo, kama mtumishi kule chini. Mimi si mnafiki. Mimi ni ndugu yenu. Ombeni na muamini. Mwaminini Mungu, ninyi watu huko nje.

<sup>168</sup> U hali gani, bwana. Je, unaamini kwa moyo wako wote kwamba Injili ninayojaribu kuhubiri ya Bwana Yesu ni ya kweli, bwana? Unaamini? [Ndugu huyo anasema, “Najua hilo.” — Mh.] Unaaja ndivyo ilivyo. Hivyo ndivyo inavyopaswa kusemwa. Unaona? Kwa maana kwa neno lako unahukumiwa, au kwa neno lako una—unaokolewa. Unapomwamini Bwana Yesu, mshuhudie mbele za watu, Atakuungama mbele za Baba na Malaika watakatifu.

<sup>169</sup> Hatufahamiani. Sikuju wewe. Wewe hunijui. Hatujawahi kukutana maishani. Lakini Mungu anakujuwa tangu ulipozaliwa, ananijua tangu nilipozaliwa. Na kikomo chetu cha Milele kiko mikononi Mwake. Kama Yeye, basi, atakuja na kunifahamisha kilichokuleta hapa, ama kitu fulani, chochote tu anachotaka kusema, jambo ambalo unajua sina habari nalo, je, litakufanya uamini kwa moyo wako wote?

<sup>170</sup> Shida yako iko kifuani mwako. Hiyo ni kweli. Na hii hapa sababu ya kuwa humo ndani; wewe ni mvutaji sigara. Unavuta sigara, na hiyo ndiyo sababu hasa ya kifua chako kuwa hivyo. Isitoshe, lakini ninaona unajaribu kuziachaka. Unajaribu kuziachaka na inaonekana kana kwamba kitu hicho kimekushika sana mpaka huwezi. Lakini matumaini yako yamejengwa, kwamba sasa kitaondoka. Hutadanganyika. Utapata uombacho. Sasa, nenda zako. Umemalizana na sigara.

Katika Jina la Yesu Kristo Mwana wa Mungu, ibilisi huyu na amtoke mtu huyu.

Nenda zako, ukishangilia.

<sup>171</sup> Je, huyu ndiye...?...U hali gani, mama. Nadhani hatufahamiani, sivyo? Hatufahamiani. Yesu anatujua sote wawili, sivyo?

<sup>172</sup> [Ndugu Branham anatalia—Mh.] Nilikuwa... ulikuwa ni muziki wa kinanda, *Yesu huja*. Hiyo ni sawa. “Nguvu za mjaribu zimevunjawwa,” hakika vyta kutosha, hiyo ni kweli. Nguvu zake zimevunjawwa.

<sup>173</sup> Mama, angalia huku. Uko hapa kwa ajili ya ugonjwa fulani; ni uvimbe. Na uko kwenye mkono wako, naamini. Hiyo ni kweli? Uvimbe, uko kwenye mkono wako wa kulia, papo hapo chini ya mkono kwenye kwapa; ni uvimbe, hali ya uvimbe, sivyo? Hiyo ni kweli. Unaamini Yesu anakuponya sasa? Mungu akubariki. Nenda, hapa.

Katika Jina la Yesu, Mwana wa Mungu, tunaondoa uovu kutoka kwa dada yetu. Amina.

Hilo linasikika rahisi sana, na ni rahisi. Lakini nguvu za Mungu hufanya hivyo.

<sup>174</sup> Njoo, hivi utakuja, mama? Nadhani hatufahamiani na—na—na huyo mwingine; hatufahamiani. Yesu anatujua sote wawili, sivyo? Anatujua sote wawili. Bila shaka, hata unaonekana Mkristo, mama, unavyoonekana. Na roho yako inakaribishwa kujua kwamba wewe ni Mkristo. Wala hujaishi maisha ya raha mustarehe, maishani. Ninaona mkondo wa giza, mchirizi, ukisonga tu katika Roho. Uko hapa nipate kukuombea, kwa kuwa una uvimbe pia, na uvimbe huo uko mguuni, uko kwenye mguu wa kushoto. Hiyo si ni kweli? Ni kweli. Una mpendwa, ama, rafiki unayetaka nimwombee pia. Hukuwazia ningesema hivyo, sivyo? Lakini mimi—mimi...Huyo ndiye ulikuwa unamwazia. Na mtu huyo amekuwa na kiharusi; amekuwa na kiharusi mara mbili, kiharusi mara mbili. Na jambo lingine kuhusu mtu huyo, si Mkristo. Hiyo si ni kweli? Sasa, umeponywa basi nenda ukaweke lesu hiyo juu ya mtu wako, rafiki yako, katika Jina la Bwana Yesu.

<sup>175</sup> Unaamini kwa moyo wako wote? Uwe na kicho. Kwa muda kidogo, mama, hiyo ni sawa. Endelea. Endelea tu. Kuna

ono lionalotokea pemberi. Ninaona vitu, kama vilima na miti inayotikisika, na ni... Ninaamini ninapatambua mahali hapo. Ni—ni, ninaamini, Pineville, Kentucky. Na kuna mama, unamsimamia dada yako aliye Pineville, Kentucky, ambaye ni... Huna... Je, una kadi ya maombi, mama? Huna kadi ya maombi? Huna kadi ya maombi? Sawa, hiyo ni sawa basi. Dada yako anaugua TB huko Pineville, Kentucky. Hiyo si ni kweli? Vema, Mungu amekupa haja yako. Mungu akubariki. Imani yako imefanya jambo hilo.

<sup>176</sup> Mnaona, marafiki, si lazima uwe na kadi ya maombi. Huna budi kuwa na imani; hiyo ndiyo inayoendesha karama ya Mungu, si kadi ya maombi, imani yako. Hiyo ndiyo inayoendesha karama kuu mno za Mungu. Mwamini Yeye; usimtilie shaka; mwamini kwa moyo wako wote.

<sup>177</sup> Mungu asifiwe. Unasimama kwa ajili ya mtu mwingine pia. Nao wako mbali na hapa. Na ninaona inageuka; wako huko chini sana kusini; ni Atlanta, Georgia. Je, hiyo ni kweli? Na ni mpendwa. Na ni ja—jamaa mdogo, jamaa wadogo, na ni u—ugonjwa wa polio. Nami ninawaona wakipiga simu au kunitumia ujumbe nije nikamwombee huyo mtu. Hiyo ni kweli? Wapelekee lesu hiyo, nayo itafanya jambo lile lile.

Katika Jina la Bwana Yesu Kristo, na iwe hivyo. Amina.

Mungu awabariki.

Iweni na imani.

<sup>178</sup> Unaamini Mungu anakuponya? Unasemaje kama nikikwambia Yeye alikuponya wakati umekaa hapo kwenye kitu? Unaamini, Bi Shane? Unaamini? Unashangaa jinsi nilijua jina lako, sivyo? Unaishi kwenye Barabara ya 428 Utica Kusini, katika Illinois hapa, Waukegan, Illinois. Nenda nyumbani; umepata haja yako. Amina.

<sup>179</sup> Jina la Bwana Yesu Kristo lihimidiwe, Alfa na Omega mkuu, Mwanzo na Mwisho, Yeye aliyekuwako, aliye, na atakayekuja, Shina na Mzao wa Daudi, Nyota ya Asubuhi, Njia Kuu, Lango, Mwana-Kondo wa Mungu aliyetolewa, Yehova-Yire, Manase, Yehova. Loo, ukombozi wote, na baraka zote, na uweza wote, uweza wote upo ndani Yake, na yuko karibu na kila mwaminio hapa usiku wa leo. Amina.

<sup>180</sup> U hali gani, mama. Je, unaniamini mimi kuwa ni mtumishi Wake kwa moyo wako wote? Unaugua ugonjwa wa ateri: kushupaa kwa ateri. Unaamini ya kwamba Yesu atakuponya? Pia umebeba lesu mkononi mwako upate kunipa, ya kumwendea mumeo ambaye ana ugonjwa wa yabisi kavu, naye yuko Michigan. Hiyo si ni kweli? Mpelekee katika Jina la Bwana Yesu na...

Na tuseme, “Bwana asifiwe.” [Kusanyiko linasema, “Bwana asifiwe.”—Mh.] Kama unaweza kuamini...

<sup>181</sup> Unaamini Mungu anakuponya na tatizo hilo la kike? Vema, nenda zako tu utoke jukwaani, useme tu, “Asante Bwana.”

Hebu tuseme, “Jina la Bwana libarikiwe.” Mwaminini Mungu.

<sup>182</sup> Yule mama anayeketi pale pale amevaa kofia ndogo, mama mweusi anayenitazama, unasumbuliwa na ugonjwa wa kifua, unaamini Yesu anakuponya, unayeketi hapo hapo, mama? Ikiwa unaamini, vema, unaweza kuupokea. Umeketi...Naam, wewe uliyegeuza kichwa chako na kuangalia upande mwингine hapo, wakati uo huo. Hiyo hapo. Ulikuwa umeshikilia kifua chako; kulikuwa na shida fulani. Ikiwa unaamini Yesu Kristo alikuponya, wawea kupata unachoomba. Mungu akubariki. Vema, nenda zako ukakipokee.

<sup>183</sup> Nilimwona mama mwингine mweusi akitokea kwa wakati ule ule. Hebu kidogo. Lakini ilikuwa ni kitu tofauti. Bwana Yesu...Yeyote uliye huko nje, bila kadi ya maombi sasa,anza kuangalia huku, ukiamini. Nilimwona mwanamke mweusi akifanya jambo fulani, lakini ilikuwa ni aina tofauti ya uchunguzi, kuliko ule uliotolewa...Huyu hapa. Ni koloni iliyoshuka, ugonjwa wa koloni. Unayeketi papo hapo, sivyo? Punga mkono wako ikiwa ni kweli. Mungu akubariki. Nenda ukapone sasa, katika Jina la Bwana Yesu.

<sup>184</sup> Unapaswa kuamini nini cha zaidi? Mama, una wasiwasi, sivyo? Umefadhaika, kwa sababu una shida ya kike, tatizo la akina mama. Ni kidonda kidogo mwilini, tumbo la uzazi. Sasa, nenda zako; umeponywa. Yesu Kristo anakuponya. Nenda zako.

Mwamini Mungu. Je, unaamini? Kwa moyo wako wote? Loo, ajabu!

<sup>185</sup> Usifikiri nimerukwa na akili. Sijarukwa na akili. Sasa, iweni na kicho. Ninamwona mtu fulani, ninaamini ni mtu huyu anayeketi papo hapa. Anaombea...Yeye—yeye—yeye ana mvulana anayemwombea, ambaye alifanyiwa upasuaji wa mtoto wa jicho kwenye jicho. Mungu akubariki, ndugu, nenda zako. Umeponywa pia. Basi Bwana Yesu na awe pamoja nawe. Amina.

Amini. Usiwe na shaka. Amini kile Mungu alichosema ni kweli, na hivyo ndivyo tu unavyopaswa kufanya.

<sup>186</sup> Unaamini Mungu atakuponya na henia hiyo, unayeketi papo hapo? Huh? Unaamini anakuponya? Vema, nenda zako na ushangilie, mzee muungwana hapo. Amini kwa moyo wako wote. Endelea, shangilia.

<sup>187</sup> Huyu hapa mtu anayeketi papo hapa aliye na henia maradufu, anayeketi papo hapa chini. Unaamini Mungu atakuponya kutokana na henia hiyo maradufu? Huh? Kama unaamini, na unaweza kuchukua imani, na kuamini kwa moyo wako wote, unaweza kuponywa.

<sup>188</sup> U hali gani dada. Una matatizo mengi. Mojawapo ya mambo yako makuu unayotaka niombee, ni kwa ajili ya huo ukakamavu, hiyo yabisi kavu inayokusumbua. Hiyo si ni kweli? Unaamini umeipokea sasa? Unafikiri imani yako inatosha? Unataka nikuwekee mikono yangu, bila shaka; nitafanya hivyo, unapopita, basi njoo.

<sup>189</sup> Baba, jalia Roho Wako aje juu ya dada yangu. Jalia roho hii ya kushupaza ambayo ingesababisha mifupa yake kushikamana, ninaikemea katika Jina la Yesu Kristo, aende akaponywe. Amina.

Mungu akubariki, mama. Amini. Amini kwa moyo wako wote.

<sup>190</sup> Udhaifu na moyo wenye fadhaa unaokusumbua; unaamini Yesu Kristo atakuponya? Amekuponya. Geuka moja kwa moja, nenda zako na uwe na furaha, kwa kuwa umeponywa katika Jina la Bwana Yesu.

<sup>191</sup> Njoo, mama. Je, unaamini kwa moyo wako wote? Unataka kwenda kula chakula chako cha jioni, ufurahie chakula chako tena, maskini tatizo hilo la tumbo likuondokee? Vema, nenda ukale chakula chako cha jioni, furahi tu katika Jina la Bwana Yesu.

Iweni na imani.

<sup>192</sup> Ewe msichana, wewe ni mchanga sana kuwa na tatizo la kike, ulilo nalo. Lakini unaamini ya kwamba Yesu Kristo atakuponya hilo? Ningependa kuzungumza nawe mbali na maikrofoni, kwa dakika moja, sivyo? Kidogo tu. [Ndugu Branham anazungumza na huyo msichana, mbali na maikrofoni. Sehemu tupu kwenye kanda—Mh.] Jambo fulani usingeweza kusema hadharani. Msichana huyu anajua ni Bwana pekee aliyeliona hili likitukia. Msichana aliyekuwa hapa juu hivi punde na akaponywa, wakati uo huo tu, sivyo? Inua mkono wako. Mungu pekee... Naam. Nilichokuambia pale, ni kweli? Mungu pekee anaweza... angeweza kuwa analijua. Mnaona?

Loo, Yeye yuko hapa kama unaamini, kama una imani.

<sup>193</sup> Njoo, mama. Jamani, ingekuwa vizuri kuachana na maskini ugonjwa huo wa kisukari na kuwa mzima tena, sivyo? Unaamini utakuwa mzima? Katika Jina la Yesu, Mwana wa Mungu, ninaombea uponyaji wako. Nenda sasa, katika Jina la Yesu Kristo, na ukapone.

<sup>194</sup> Ndugu yangu, unaweza kunitii kama nabii wa Mungu? Ikiwa utanitii, ndilo tumaini lako pekee la kuondokea yabisi kavu. Tembea tu uondoche jukwaani kana kwamba ulikuwa kijana, useme, “Ninakataa kuwa nayo, tangu sasa na kuendelea. Nimekuwa nikisimama katika Uwepo wa aliye Mkuu, Yesu Kristo.” Mungu akubariki. Nenda kwenye juk-... Ondoka hapo sasa, ukitembea. Haya basi. Mungu akubariki.

Mfuate tu moja kwa moja, dada, amini ukapone. Yesu Kristo anakupa afya.

<sup>195</sup> Bwana asifiwe. Vema, njoo. Unaamini? Sasa, hebu kidogo, kuna kitu cheusi kinachoning'inia kwa huyu mama, cheusi kabisa, kinamzunguka. Ee Mungu, umrehemu. Loo, ni kansa, naam, vema. Je, unaamini Mungu anaweza kukuponya hiyo sasa? Yeye ndiye Mponyaji, sivyo? Unaamini kwa moyo wako wote? Wakati Malaika wa Bwana alipokutana nami, Yeye alitaja kansa kuponywa. Njoo hapa.

<sup>196</sup> Mwenyezi Mungu, kwa maskini mwanamke huyu, nikijua hali hii iko katika mwili wake, sasa ninaomba, Bwana, kwamba imani yangu iungane na yake. Naye yule Malaika mkuu wa Mungu, aliyekutana nami usiku ule, na kutaja, na kusema, "Hata kansa haitasimama, kama utakuwa mwaminifu, uwafanye watu waamini." Na Baba, kwa moyo wangu wote, ninaamini ya kwamba utamponya.

Nami namwambia ibilisi: Mwache, katika Jina la Yesu, ondoka kwake.

Mungu akubariki. Nenda, ukiamini kwa moyo wako wote sasa.

<sup>197</sup> Unataka kuondokea shinikizo kuu la damu, mama, unayeketi hapo? Umeponywa kwa kama dakika kumi sasa, ukiketi hapo. Amina. Nataka unipe fadhili. Je, utafanya hivyo sasa? Binti yako yuko hospitalini; unayeketi hapo karibu naye, hiyo ni kweli. Weka mkono wako juu yake, sivyo?

Baba, mpe ukombozi wake, kupitia Jina la Yesu, ninaomba. Amina.

Usijali, ndugu, usiogope ugonjwa wa moyo. Nenda zako ukishangilia. Yesu Kristo ataponya.

<sup>198</sup> Mwamini Mungu. Amini kwa moyo wako wote. Msisogee sasa. Kama—kama mkianza kusogea huku na huku, itatubidi tuifunge ibada hapo. Mnaona? Maana inanivuruga. Mnaona?

<sup>199</sup> Una tatizo ubavuni mwako, unayeketi hapo hapo, huyo mtu wa pili anayeketi kutoka mwisho, hapo. Sivyo, mama? Uliponywa huo wakati uo huo. Simama, na u—useme tu, "Bwana asifiwe," kwa ajili ya uponyaji wako. Mungu akubariki. Tatizo la wengu.

Njoo. Amini. Usiwe na shaka. Amini. Kama ukiamini, unaweza kupata kile unachoomba.

<sup>200</sup> U hali gani, bwana? Nadhani hatufahamiani, ndugu. Wewe ni Mkristo, mwaminio? Naona ndivyo ulivyo. Una ombi la kuniomba, bwana; hilo ni kwa ajili ya mpendwa, ambaye ni baba yako. Ameshikwa na kiharusi. Amekuwa na kiharusi mara mbili. Nawe, mwenyewe, una kisukari. Nawe unataka—. . . Wewe ni daktari. Hiyo ni kweli. Na katika kazi yako wewe huwaombea wagonjwa.

Ee Mungu, katika Jina la Yesu, mjalie ndugu yetu haja yake. Amina.

Mungu akubariki, ndugu.

Amini. Unaamini?

Unaamini kwa ajili ya macho yako, mpenzi? Unaamini Yesu atakuponya? Hakika atakuponya.

<sup>201</sup> Siamini naweza kuendelea mbele zaidi, marafiki, niko tu karibu... Ni, inaonekana tu kama Yeye ni... Inafifia tu sasa. Aminini, mtaamini sasa hivi? Kila mmoja wenu awe na imani sasa hivi. Wekeaneni mikono. Hebu nifanye maombi ya kujitolea.

<sup>202</sup> Njoo hapa, Ndugu Wood, ama mtu fulani haraka. Mnaona? Wekeaneni mikono. (Nileteni maji au chochote kile.) Wekeaneni mikono kila mahali.

<sup>203</sup> Mungu wa rehema, nguvu zangu zinaisha haraka, Ee Mungu, unirehemu, Baba. Kwa maombi ya imani kwa moyo wangu wote ninalaani kila mwili wa mgonjwa, mwili wa mgonjwa aliye humu ndani. Na kuomba kwamba Wewe, Roho Mtakatifu, utawawakilishia nguvu za ufufuo wa Yesu Kristo na kuwaponya.

<sup>204</sup> Shetani, umeshindwa. Huwashikilii hawa watu tena. Umefichuliwa. Katika Jina la Yesu Kristo, toka ndani ya kila mtu hapa ndani, anayeamin.



*ISHINDANIE ILE IMANI KWA BIDII* SWA55-0123E  
(Earnestly Contend For The Faith)

Ujumbe huu uliohubiriwa na Ndugu William Marrion Branham, uliotolewa hapo awali katika Kiingereza Jumapili jioni, tarehe 23 Januari, 1955, kwenye Kanisa la Filadelfia huko Chicago, Illinois, Marekani, umetolewa kwenye kanda ya sumaku iliyorekodiwa na kuchapishwa bila kufupishwa katika Kiingereza. Tafsiri hii ya Kiswahili ilichapishwa na kusambazwa na Voice Of God Recordings.

SWAHILI

©2022 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## **Ilani ya haki ya kunakili**

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)